

百代医宗

八



婦人科總論

婦人一科諸疾皆與男子相同惟經水常下血崩胎產乳癰等證有異立婦人科以別之難經曰心出血肝納血肺出氣腎納氣所以婦人之病皆自心生如五志之火一起則心火亦從而熾矣其有經閉不通之症先曰心事不足由是心血耗虧故乏血以歸肝而出納之用已竭經曰母能令子虛是以脾不磨而食亦少所謂二經之病發於心脾者此也二陽者即陽明也曰食少故肺金亦失所養而氣滯不行則無以滋養腎陰况月經全賴腎水施化腎水既虧則經血日以涸矣以致或先一後淋漓無時若不早治漸至閉塞甚為癥瘕血竭勞極之症不易治也所謂崩漏不止之症先於心火亢甚由是血脈泛溢以肝實而不納血出納之道遂廢經曰子能令母實是以肝腎之火相火挾心火之執亦從而相扇矣所以月水錯經妄行無時而泛溢之若因循不治漸至崩中甚則為白濁白淫血枯發熱勞極之症難於治也經曰邪氣盛則

實正氣奪則虛所謂心血不足者正氣奪也心火亢盛者邪氣盛也邪氣者相火者也丹溪曰天非此火不能生物人非此火不能有生但貴乎得中凡動必聽命乎心君爲妙以上諸症其經閉不行經漏不止皆由心血不足心事不寧以致月經不調遂成危篤理宜蚤治可也所以婦人以血爲本謂其血盛於氣也而主血者本在心也而納其血者實在肝也故上爲乳汁下爲月水合精而爲胞胎蓋女子十四而天癸至任脈通太衝之脈盛月經以時而行衝任二脈血之海也月候者經絡之餘也天癸者月水也天者天真之氣癸者此方陰水常於一月一見則無病矣苟或氣血不調陰陽愆伏過於陽者爲熱則經脈前期而來過於陰者爲寒則經脈後期而至蓋血得熱則流通得寒則凝滯陰氣乘陽內寒血凝故其來乍少陽氣乘陰血熱流散故其來乍多皆病也然經脈不調其候有三一則血氣盛實經絡閉遏其脈滑實法則通經疎利之一則形體憔悴經絡枯涸其脈虛弱法當滋養血氣一則風

冷外侮七情內傷以致經絡痺滯其脈浮清注當散風冷逐瘀血生熱
血正謂經脈不行諸病由此而作也有曰衝任氣虛內慾過度風邪冷
熱之氣入於胞門穢液於血相兼而下冷則尋白熱則爰赤冷熱不調
赤白相下謂之赤白帶明矣有曰衝任勞損血海傷動脾虛衛弱不能
約制其血忽然暴下謂之崩中亦有非時淋漓不斷謂之漏下所以婦
人血分受病最易遇夜增劇蓋血屬陰之故以其血氣和平陰陽調順
則精血聚而胞胎成胞胎已成而心腎二脈其動也應手而疾蓋心之
所主者血也腎之所主者精也精血交合而胎成矣精盛為男血盛為
女此自然之理也其胎前有疾先以安胎順氣為本然後兼治其疾不
可驟用峻利有毒之藥產後有疾悉屬虛弱只宜養血為主須有他症
不可峻攻此其大槩言耳醫者耳當詳之

婦人血風肢體骨節疼痛論

婦人血風由氣血不足腠理不密風冷乘之以致邪正相搏故骨節疼痛

肢體發熱口乾發渴愚按東垣先生之飲食失節脾胃虛弱乃血所生故口中津液不行若火熱未乘土位故肢體發熱作渴若肝經血熱用四物羌活黃芩黃柏肝經血虛用逍遙散山梔川芎風濕兼痰用四物南星半夏羌活蒼朮風濕傷脾用羌活勝濕湯暑濕傷氣用清燥湯

婦人瘕瘕

俗名瘕子

婦人瘕瘕或肝經溫熱下注或怒氣傷損脾肝其外症或兩物小腹腫痛或王門煖腫作痛或寒熱往來或上攻兩脇或肺熱重墜若兩物小腹腫痛肝經溫熱瘕瘕也用瀉肝湯王門腫脹肝火血虛也用加味逍遙散及龍胆湯肝湯若緊投散血解毒之劑悞矣

婦人血膈論

一婦人胸膈痞悶余曰此屬脾經血虛途用四君芎歸調補脾氣月余而愈
一婦人胸膈作痛面青目劓小便頻數此肝氣滯而血凝先用失笑散二服痛止又服逍遙散而安

婦人所

前泛用行氣破血之劑以致不起

婦人血瘕論

女子血瘕之病由飲食不調氣血勞傷或胎產經行風冷相搏所致者痛也瘕者假也脈弦急者生虛弱者死尺脈滑浮牢則為血實腹痛逆氣上行此為胞中有惡血久則結成瘕也宜用乾漆散實虛湯治之

實鑑歸虛湯

疾藜

去刺

附子

炮

枝子

去皮各五錢

右切一劑煎服

乾漆散

乾漆

炒令烟尽

木香

芫花

醋炒

赤芍藥

桂心

當歸尾

小川芎

琥珀

各五錢

大黃

炒

牛膝

一兩

菴仁

去皮尖兩分

射香

一錢

石切

一劑煎服

經脈論



婦入行經之時保如產母一失其宜為病不淺當戒暴怒無損于衝任絕去色慾無傷于血海一有抑鬱宿血必停走於腰脇注於腿膝遇新血則搏而作痛散四肢即麻木不仁入血室則寒熱不定或怔忡而煩悶或妄見而狂言或湧上出或歸大腸皆四氣七情之所致也心氣拂鬱停止經候者以小調經散治之瘀血蓄積散於四肢者以大調經散行之濕痰以朮附陳湯調之潮熱以逍遙散清之入血室寒熱譫語者小柴胡四物湯主之甚者以王燭散下之四物合承氣湯并硝等分煎服所謂經水過期而來者血寒也或血少也宜四物加參朮帶疾加南星半夏陳皮茯苓之類經水先期而來者血熱也宜四物湯加黃連其過期有紫黑之色及片塊之狀皆血熱也作痛之症宜四物加香附黃連過期淡色而來者有痰故也宜二陳加當歸川芎過期而來者血虛故也宜補血用四物湯加黃芪陳皮升麻提之未及期而來者是氣血俱熱也宜涼血氣用芩胡黃芩當歸白芍生地黃香附之屬或經水不

調血之淡白宜補氣血用人參黃芪當歸川芎香附白芍如有腹痛加
阿膠珠艾葉玄胡索之類經過而作痛者乃虛中有熱之故是氣血
也經來而作痛者氣之滯也血之實也宜四物加芍仁黃連香附臨經
行時腰疼腹痛是氣滯瘀血所然宜四物加紅花桃仁莪朮香附玄胡
木香如發熱加黃芩柴胡經行紫黑成塊者熱也宜四物加黃連柴胡
血枯經閉者四物加棗仁紅花軀脂肥滿經閉者以導痰湯加黃連川
芎切不可服地黃泥膈之藥苟因肥胖富貴厚味之家過有適口美甘
之物致經水不調者是濕痰相乘宜用蒼朮半夏滑石茯苓白朮香附
川芎當歸之類臨經肚腹作痛宜四物加陳皮玄胡牡丹皮甘草或用
一童便煮香附炒條芩為丸亦能取効經水去後不止者用三補丸加香
附龜板金毛狗脊有陰虛經水久不通利小便澀身體痛者四物加蒼
朮牛膝陳皮生甘草又用蒼沙丸蒼耳煎湯為丸煎前藥吞下又曰血
為氣之配曰氣行而成塊者血之凝也將行經而痛者氣之滯也行後

作痛者氣血俱虛也血之淡者亦虛也混水之狀錯經妄行者氣之亂也紫色者氣之熱也黑色者熱之甚也如用溫熱之藥烏乎可哉醫者宜明辨之

清經四物湯 治經水未及期而來者

當歸 一錢 五分

川芎 五分

白芍 八分

生地黄 一錢

阿膠 五分 炒珠

艾葉 三分

條芩 一錢

黃連 八分 炒

黃柏 五分

知母 五分

香附 一錢

甘草 三分

右切一劑煎服

通經四物湯 治經水過期不行者

當歸 一錢 五分

川芎 五分

熟地黄 一錢

白芍藥 一錢

桃仁 二十枚 去皮尖

紅花 三分

香附 一錢

莪朮 一錢

蘇木 一錢

木通 八分

甘草 二分

肉桂 五分

右切一劑煎服

清熱調經湯 治經水將來腹中陣陣作痛乍作乍止是氣血俱實

當歸 八分

川芎 五分

藥 八分

生地黄 八分

香附 八分

黃連 八分

薤仁 十枚去皮尖研泥

紅花 四分

玄胡 八分

牡丹皮 八分

莪朮 五分

甘草 二分

有熱加黃芩柴胡

右切一劑煎服

三補丸 治經水來而不住者兼上焦積熱可泄五臟之火

黃芩

黃柏

黃連

右等分爲末蒸餅爲丸

順氣逐瘀湯 治臨經氣惱後得心腹腰脇不可忍痛者其脈弦急不勻

乃瘀血作痛之故

當歸 八分

川芎 五分

白芍藥 八分

生地黄 八分

薤仁 七枚去皮尖研泥

紅花 四分

玄胡索 八分

莪朮 五分

青皮 八分

右切一劑煎服

調經止痛散 治月水將來或將止前後數日腹痛

當歸

玄胡

沒藥

紅花



右等分爲末每用二錢黃酒調下

大補經湯 治氣血虛弱血海寒冷經水不調或時心腹痛或下白帶如魚腦髓者或似米泔不分信期每月淋瀝不止面色痿黃四肢無力頭目眩暈肌體羸瘦

當歸 六分

川芎 五分

白芍 酒炒 六分

熟地黃 五分 人參 四分

白朮 五分

白茯苓 四分

黃芪 四分

陳皮 四分 砂仁 三分

香附 六分

阿膠珠 三分

沉香 研末 三分

小茴香 三分 玄胡 五分

吳茱萸 四分

肉桂 三分

甘草 二分

右切一劑煎服

椿根丸 治經水過遲

黃芩 四分

白芍 炒 四分

龜板 炙 四分

黃柏 炒 二分

椿根白皮 七錢

香附 二分

右末酒糊丸梧桐子大每用五十九丸溫酒下滾白水亦代之



四製香附丸 治婦人女子經候不調

香附米一斤分作四分一分好酒浸七日一分童便浸七日一分水浸七日一分米醋浸七日右晒乾為末醋糊丸梧桐子大每用十九食前鹽酒送下

通經丸 治婦人室女經候不通臍腹疼痛或成血瘕症

川椒炒去

莪木炒

乾漆炒灰

當歸

青皮

乾薑

大黃

莢仁炒去

紅花

桂心各等分

右為末將一半用米醋熬成膏和餘藥一半成劑臼中杵勻丸梧桐子大陰乾每用五十九醋湯送下

瑞金散 治婦人血氣燥痛月經不行預先嘔吐疼痛等症

片薑黃四

牡丹皮

莪木

紅花

當歸

赤芍

川芎

玄胡各一

官桂五錢

右切每用八錢水酒合煎服



香附將軍丸 治乾血氣

錦紋大黃酒浸一日用晒乾四兩以好醋熬成膏再加童便浸製香

附二兩為末合入大黃膏內九梧桐子大每用四十九熱酒送下

此藥服後大便二三行經脈自下真調經之仙藥也不可視為賤物

壯丹湯 治婦人月水不利臍腹疼痛不欲飲食

壯丹皮 川黃連炒各一兩 赤茯苓 生地黃 菴仁

當歸 官桂 赤芍 白朮 石韋去皮

木香各半兩 右切一劑每用八錢煎服

南嶽濟陰丹 治婦人血海虛冷久乏孕育常有墮胎之患一切經候不

調崩中漏下積聚諸症

秦艽二兩 京墨煨醋淬研一兩 糯米半升 川芎一兩 熟地黃酒蒸四兩

茯苓四兩 人參二兩 石斛去根酒浸二兩 蒼朮米泔浸製二兩 陳皮四兩

香附四兩 木香一兩 藁本二兩 當歸一兩 肉桂半

乾

一兩半

山藥

七錢半

澤蘭葉

四兩

桔梗

一兩

川椒

七錢

細辛

去苗葉
一兩半

薤仁

去皮尖
一兩

番布

燒灰
二兩

牡丹皮

一兩半

甘草

炙
兩

右末煉蜜為劑每兩作六丸每用一九細嚼溫酒送下或九梧桐子大

每用四十九溫酒送下

溫經湯 治婦人血海虛寒月水不利

當歸

川芎

白芍

牡丹皮

義木

桂

各一錢五分

人參

牛膝

各二錢

甘草

一錢

右前藥作二劑煎服

內補當歸丸 治婦人血氣虛損月水不調崩中漏下去血過多月水將

行腰腿重痛並宜服之

當歸

阿膠珠

白芷

續斷

乾薑

炒

川芎

各四兩

甘早

一兩

熟地黃

焙

附子

炮去
皮臍

白芍

炒

肉桂

各二兩

吳茱萸

白木

各三兩

蒲黃

炒八錢



右末煉蜜為丸梧桐子大每用五十丸溫酒送下

補中丸 治婦女氣血虛脾胃弱經脈不調常服甚好

白朮

炒

當歸

酒洗

熟地

各三兩 酒蒸

白芍

二兩五錢 炒

川芎

人參

黃芪

蜜炙

陳皮

各一兩

右末蜜丸梧桐子大每服七十九溫酒送下

行經紅花湯

治婦人室女經水不通時作脹痛

當歸

赤芍

紫威

牛膝

玄胡

紅花

蘇木

莢仁

各一錢

青皮

八分

香附

八分

桂心

五分

劉寄奴

一錢

右切一劑煎服

加味四物湯

治婦人室女經水不通極效

香附

童便炒

當歸

全用酒洗

川芎

生地黃

白芍

炒各一兩

生黃芩

六錢

黃柏

一錢

知母

童便炒八錢

牛膝

酒洗八錢

牡丹皮

八錢

柴胡

六錢

紅花

三錢

右切分十劑煎服



婦寶丹

治經候不調

香附

一斤分四製法
酒童便益水製

當歸

熟地黄

四兩

大川芎

四兩

白芍藥

四兩

阿膠

起炒成末或用黑
豆同炒去豆不用

斷艾

二兩淡醋煮晒乾
原方無艾今加之

右末醋糊丸梧桐子大每用十十九空心白米湯下

大調經散

治瘀血蓄積散於四肢濁氣凝滯增寒壯熱經血不調氣痛

脹滿等症

琥珀

三錢其真
者能吸草

茯神

去木
一兩

黑豆

一兩炒
去皮

右末每用二錢濃煎紫蘇湯或黑豆湯下

小調經湯

治婦人經水不調赤白帶下腹痛等症

白芷

五錢

沒藥

研末

肉桂

甘草

各二
錢

赤芍

細辛

洗

當歸

玄胡

炒各
一兩

射香

三分

琥珀

一錢

右末每用二錢生薑湯或溫酒下

逍遙散

治婦人血虛潮熱經候不調咳嗽小腸作痛



柴胡

白朮

茯苓

白芍

川歸各一

薄荷

五分

甘草

五分

右切一劑煎服

崩漏論

婦人血氣調和則衝任之脈不傷經水依期而來何崩中漏下之有其
之症忽然暴下如山之崩有虛者有熱者虛則下瀦熱則流通故曰急
則治其標宜用白芷湯調百草霜服之棕櫚灰五靈脂亦可助其效也
蓋五靈有能行能止之妙俱用黃酒調服後用四物湯加乾薑之類又
曰緩則治其本用四物湯加黃連參人參黃芪香附乾薑輩以調護之
且四物湯加荊芥穗加蘇黃芩有止血之功效應如桴鼓或曰勞者宜
用參芪帶升補之藥或曰寒者加乾薑可也或曰熱者加黃芩或有紫
色而成塊者為熱宜用四物湯加黃連氣血俱虛者四物湯加人參黃
芪之類其有漏下乃熱而虛四物湯加黃連此必用之藥大抵崩中之
疾良由臟腑傷損衝任二脈氣血俱虛衝任之氣一虛遂不能約制

